

Ժ. ԶՐՈՒՅՑՆԵՐ

1. ՎԱՐԻՆ ՈՒ ԲԼԻՈՒԼԸ

Ավանդաբար մեղ հասել է Մշո աշխարհի այս զրույցը վարդ ու բլբուլի մասին:

—Գիշերը,—պատմում էին ծերերը,—հյուսում է վարդի կոկոնը. անարատ ցողը արգասավորում է և արշալույսը իր լուսեղեն մատի ծայրի մեկ հպումով ծնունդ է տալիս գեղեցկագույն թերթիկներին: Եվ մինչ մահ-կանացուններից ոչ ոք չի փորձել այդ գաղտնիքը թափանցել, միայն բլբուլն է, որ մայրսյան գիշերները, վարդենու ճյուղին թառած՝ երգում ու լալիս է անքուն հսկելով, որպեսզի մե՛կ անգամ, դոնե մե՛կ անգամ տեսնե, թե ինչպես է բացվում վարդի կոկոնը: Բայց իզու՛ր. երկարատև հսկելուց ու անքուն մնալուց հողնում են աչքերը, և երբ բացման խորհրդավոր րուպեն մոտենում է, կարճատև, խիստ կարճատև մի նինջ վալում է ըլրուլի աչքերը և արցունքի մի կաթիլ հոսում է վարդի կոկոնին, ու երբ բաց է անում աչքերը՝ ավա՛ղ, վարժը բացված է արդեն...

Խեղճ թռչունը սրտի կսկիծից թռչում դնում է հետո աշխարհ, բայց դարնան հետ վերադառնում է վարդի մոտ, կրկնվում են նույն անքուն հսկողությունը, նույն երգն ու լույցը, բայց արարչի վճիռն անողոք է և խեղճ բլբուլը՝ մինչև այսօր չի տեսել թե ինչպես է բացվում վարդը...

2. ՈՍԿԵ ԿՈՒՌԻՔ՝

Մի անգամ թաղավորը տեսնում է, թե ինչպես մի վիշապ օձ² մտնում է հրապարակը,

մոտենալով Մեծ Սյունին քամալի սուլիս և անցնում գնում է: Թագավորի հրամանով ծառաները հետևում են վիշապին և անտուռում տեսնում, որ ահա վայրի այծ է կուլ տվել, բայց այծի երկար պողերը արդևալվել են նրա կոկորդում, չի կարողանում կուլ տալ: Վրս՝ են հասնում, այծի կոտորները կոտրատում և դյուրություն են տալիս օձին:

Շատ շանցած՝ վիշապն երեք ոսկե կոութ բերանն առած, բերում գցում է Մեծ Սյունի մոտ ու անցնում դնում: Հրաշալի ոսկե կուլթները դառնում են թաղավորի սեղանի ղարդը:

—Վեղի՛ր,—ասում է թագավորը,—այս հրաշալի հասկերի զաղտնիքն ևմ պահանջում քեզանից, երկրներ պիտի ման դաս, տարիքոտ ու խելացի մարդիկ պիտի գտնես, իմանաս զաղտնիքը և դուս ինձ տեսն, թե ո՛վ է ցանկ այս ցորենը, հ՛րբ է ցանկ և ո՛ւր:

—Վեղի՛րը ամիսներով ճամփորդելուց և հարց ու փորձ անելուց հետո, ի վերջո մտաբերում է, որ երեք տարբեր քաղաքների մեջ երեք ևղբայր ծերունիներ են ապրում, նրանք կկարողանան գաղտնիքը բացատրել:

Եղբայրներից առաջինը, որ բնակվում է վան քաղաքում, 120 տարեկան էր. վեղիբին ասում է, որ ինքը ոչինչ չգիտե, պետք է տեսնել երկրորդ ևղբորը, որ բնակվում է Բաղեջ քաղաքում: Սա վեղիբին ուղարկում է Դիարբեքի բրորդ եղբոր մոտ: Երրորդ ծերուիը հարյուր իննսուն տարեկան էր: Բայց մյուս ևղբայրներից ավելի կայտառ, սովելի աշխույժ ու երիտասարդ է երևում:

—Մա՛րդ,—ասում է վեղիբը,—հետո աշ-

¹ Կուլթ—լեցուն հասկ (Մ. Բ.):

² Ժողովուրդն ասում է յուշապ օձ (Մ. Բ.):

¹ Այս թագավորը պարսից Սասանյան արքա Անուշիրվանն է (Մ. Բ.):

խարհից եւմ դալիս, շատ մարդիկ եւմ տեսել, հարցրել, փնտրել, և ոչ ոք չի կարողացել բավարարութիւն տալ խնդիրքիս: Ասա՛ ինձ, թե այն ոսկե կոտիթները, որ վիշաղ օձը բերեց մեր արդարասեր թաղավորին, ո՞վ է ցանկը, ո՞ր և ե՞րբ:

— Նստի՛ր, դեռ հանդոտացիր, հյուրիս հանդիպ ունեցած պարտակտնութիւնն կատարեմ, այնժամ յօտոտխանը կստանաս:

Եվ ձերունին ասում է.

— Նուշիրվան թաղավորի օրով մի դյուղացի յուր արտի երեսը վարձով է տալիս դրացուն ցանկելու Վարձակալ դրացին արտը վարելիս մի աման լիքը ոսկի է գտնում, կանչում է արտատերին.

— Դրացի եղբայր, արտդ վարելիս, մի աման ոսկի եմ գտել. ահա ստացիր.

— Ո՛չ,— պատասխանում է արտատերը,— քանի որ արտիս երեսը ծախել եմ, իրավունք չունեմ ոսկին առնելու. մինչև հիմա հարյուր անգամ այդ արտը վարել, ցանել եմ, բայց ոսկի չեմ գտել, այդ քու բաժինն է աստված ինքը տվել:

Օրերով վիճում են, մինչև որ գործը դնում է դատարան: Դատավորը ճարը գտնում է. վիճողների տղան ու աղջիկը ամուսնացնում է և ոսկին հատկացնում նորապսակներին: Բայց մինչև որ դատավարութիւնը վերջանում է, ցանքի ժամանակն էլ անցնում է. գյուղացին միայն մեկ ակոսն էր վարել և երեք շորս հատիկ շաղ տվել արտի մեջ, որից գոյանում են ոսկե հասկերը, արմատից սկսած մինչև կոտիթները՝ ձույլ ոսկի...

3. ՇՈՒՇԱՆ ԻՇԽԱՆՈՒՂԻ

...Համաձայն ավանդութիւն՝ Բագրատունյաց մայրաքաղաքի պարծանքներից մեկը՝ Տիկնանց տիկին Շուշանը, նաժիշտներով շրջապատված հանդիսավորապես եկեղեցի գնալու համար սկսում է հագնել թանկագին պատմուճանը, եզրածիրանին¹, միջնածիրանին և երեւելի լակոնացին: Պետք էր նաև գլխին հարմարեցնել ցանցակերպ ծամակա-

¹ Եզրածիրանի—ծիրանագույն քղանցքներով զգեստ. միջնածիրանի—զգեստ, որի միջի թելերը ծիրանի գույն ունեն: Լակոնացին—թափանցիկ կտավ է: Այս տեսակ հագուստները հագնում էին իշխանուհիները հին ժամանակներում:

լը, դներ խուչրը, կապեր ապարոշը, ստբերն անցկացնելով մեհակնաղները¹, ձեռքերին դներ ապարանջանները, մատներին՝ մատանինները, ակունջներից կախեր դնդերը, կողքից կախեր հմայակները և վերջապես զլախը ծածկեր մի շղարշուլ՛, որի տակից երեսը ինչպես Աստղիկ աստվածուհին՝ մշուշի միջից: Եվ մինչև նաժիշտների և օրիորդների հետ ուղում է թափորով եկեղեցի դնալ, պատգամաբերը դալիս է լուր տալու. որ պատարագն արձակվել է:

Կրկնվում էին ամեն տոն ու կիրակի օրերում «Տիկնանց տիկին» զարդարանքի և պճնելակերպի արարողութիւնները. սլառաբազը արձակվում էր և նա զրկվում եկեղեցի գնալուց, որովհետև իշխանուհու պալատը, ասում է ժողովուրդը, բավական հեռու էր եկեղեցուց:

Ուրիշ ելք չէր մնում և՛ թե ոչ՝ ունենալ սեփական եկեղեցի պալատին կից: Շատ շանցած՝ մայրաքաղաք Անին զարդարվում է մի փառավոր եկեղեցիով ևս, և դա Տիկնանց տիկին Շուշանի եկեղեցին էր, ուր, իհարկի, պատարագը չէր կարող արձակվել, մինչև որ տիկինը չզարդարվեր ու ներկա չլիներ:

Անցել են դարեր, բայց հայ ժողովուրդը դեռ չի մոռացել իր զարդասեր տիկնոջը և դրա հիշատակը անմահացրել է «Մինչև Շուշանը զարդարվի՛ պատարագը կստանալվի՛» առածով:

4. ԶՐՈՒՅՅ ԿՈՓ ԳՅՈՒՂԻ ԱՆՎԱՆ

Ժողովրդական ավանդութիւնն ասում է, որ շորորդ դարում Հայոց Տիրան թաղավորը խեղդամահ է անում ասորի եպիսկոպոս ծերունի Դանիելին. մահանալուց առաջ նա իր աշակերտներին պատվիրում է, որ իր մարմինը դնեն եղներով լծած մի սալի վրա:

¹ Մինչև այսօր էլ Մշո աշխարհի հայ և քուրդ կանայք իրենց ոտքերին կապում են սև ուլունքներ, որոնք կոչվում են սիլան հլունք: Տակավին կարելի է տեսնել, հատուկներ կանայք, որոնք կրում են ոտքի մեհակնաղներ, որ ժողովրդական բարբառով կոչվում է խալիսալ և շինվում է պղնձից, արույրից կամ հասարակ երկաթից:

² Զարդարանքի այս մանրամասնութիւնը նկարագրված է Հայոց եկեղեցու «Մայր Մաշտոց»-ում, փոխադրված՝ Եսայի մարգարեից (Գ. 16) (Մ. Բ.):

և թողնեն, որ սայլը գնա. ուր որ սայլի
կուրիին՝ կոտորվեց՝ այնտեղ էլ թաղեն իր
մարմինը: Ծգնեբը սայլը քաշ տալով գալիս

¹ Գյուղական սայլերի թամբի առաջ և հտև դրված
և մյուս տախտակներից ավելի երկար տախտակներ
(Մ. Բ.):

են այժմյան Կոփ գյուղի տեղը, որտեղ կո-
փին կոտորվում է. մարմինը թաղում են Կո-
փից ոչ հեռու մի բարձրավանդակի վրա, ուր
կառուցվում է սուրբ Դանիելի վանքը. որ
մինչև 1915 թվականը կանգուն էր և շեն
հայկալուն մյուս վանքերի նման: